

最新
詳註
分類尺牘淵海

碩

鹿署

聲明
19

聲明類

聲明女生專請女員教授

聲明提股。

聲明字號加記。

聲明辭歇經理。

聲明辭夥之原因。

聲明支票遺失止付。

聲明劣夥盜用圖章。

聲明冒牌。

聲明兒子入學校費用充足無需外借

聲明類

聲明女生專請女員教授

某某先生閣下。頃奉

琅函。鹽薇誦悉。承

以舊薇露鹽手按鹽洗濯也

詢

敝校

女學生。是否分班教授。仰見

慮周藻密。欽佩無涯。某自愧愚蒙。忝膺教務。才力庸多不

及。而思慮未敢或疎。即如女生一節。

敝校

三年級學生。

均已及笄。

禮內則十有五年而笄

其差長者。已在二十歲內外。男

學生之程度相等者。年齡亦復相仿。非特教授分班。即

教員亦多專請男女講堂。各有區別。教授女學者。均係

知名女士。名為合校。實則分為男女兩堂。彼此各不謀

面。某自謂孤心苦詣。未審

文明笑我迂腐否。特此佈達。即頌

台安。惟希

電鑒不備。

某某謹啟

聲明提股

某某先生閣下。逕啟者。

小號

夙承不棄。與

寶莊交往有年。款項無不如期清結。茲以各股東於營業
意見上不能一致。某不願再為合股。所有某個人名下

之股單。現歸併某某股東收納。並立有歸併據收併據
兩張。各執一張。以為憑信。某之原股款項。業由某某股
東如數交付清楚。自某月某日為始。某與該號完全脫
離關係。惟念平日銀錢往來。凡非用某個人名義者。即
於某無涉。深恐

寶莊未識原委故除登報聲明外合再函

聞即希

台洽。此敬頌

籌安維祈

朗鑒不宣

某某謹啓

聲明字號加記

某某先生閣下。逕啟者。小號與

寶莊銀款往來。歷有年所。今歲午節帳目業已結清。午節以後即請

執事檢查。至六月底止。有無延欠未結之處。因該號自七月以前。為某君所開張。現在店號雖仍用原名。惟由
人新近接頂。特另加某記字樣。以示區別。而分界限。此

後倘蒙見信。繼續交往。務請認明加記為憑。在未加記以前。如尚有糾葛。請

尊處直接向理。與小號一概無涉。恐各界未識原委。除已

分別登載各報外。特再奉達。

台端即希接洽為荷。此并頌

日安。仰維

電鑒

某某號某記謹啟

聲明辭歇經理

某某我兄閣下。頃奉

華翰。誦悉某君前詣

尊處。假小號名義。商借短本若干。聞之不勝駭異。某君由

敝友介紹。用為小號經理。視事甫逾半載。而挪用帳上

已達千元以外其平日嗜好既深復耽花柳某查悉之後立刻辭謝一面向原薦追取欠款迺交涉尚未辨清一波未平一波又起所幸

足下明能燭物拒絕所商否則為其所騙矣某將

尊函出示原薦渠亦驚訝謂此人如此荒唐難保他處不再受其欺枉爰囑某將小號已換經理之事即日登報聲明以免後累並囑詢

左右此人現在何處彼欲往追前欠請即函示為荷端此即頌

台安

某某謹啟

聲明辭夥之原因

某某先生閣下違

教多時每深馳系承

詢近况感荷

關垂

小號

自開張以來從未有如今今年之營業艱困者金

融既緊市面又清捐稅有加無已進貨則來源缺乏價

格增高四面楚歌

項羽被圍於垓下夜聞漢軍四面皆楚歌知盡得楚地

支持匪

易再四籌畫惟有節省開支以期成本稍輕第房租伙

食萬難在省所可省者僅於用人一方面或可勉強減

少

小號

各職事向來用幾何人今以生意蕭索故已辭

謝幾人前承

推薦某君亦在辭歇之列有負

盛意殊歉於心尚乞

鑒諒是幸端布即頌

台安

某某謹啟

聲明支票遺失止付

某某先生閣下逕啟者某於今日午前在某號收款有幾百幾十幾號某錢莊即期支票一紙計銀元若干本擬午餐後赴

尊處領取因有客至稍耽時刻及三點鐘正思持票憑領而身畔皮夾不知去向是否遺失抑為人偷摸均不得而知檢視置皮夾之衣袋並未損破惟何時遺失及遺失何處在某亦自茫然現已託包探四路偵訪並向該錢莊挂失

尊處如發現有持票取款者切勿

照付並乞

足下立用電話通告小號以便諸前親問來歷並可追究
皮夾蓋皮夾內尚有他項重要物件也此佈敬請

台安

某某謹啟

聲明劣夥盜用圖章

某某先生閣下頃奉

惠函誦悉小號向

尊處撥洋一百五十元之事不勝駭異小號銀錢出入均

係某自行經理向未假手於人檢點帳目是日餘存尚
多並無向人撥款之舉第思

寶莊既有函諭必有冒名撥借之人因囑敝同事詣

左右查問承將原條見示果蓋有小號圖章並詢悉持條

撥款之人之面貌確為小號前兩日新歇之劣夥某某

此人胆敢盜用圖記冒騙洋一百五十元之多。實非初
意所料。現已向原薦追取前款。想

尊處決不落空。如有短少。當由鄙人賠還。特此聲明。上慰

錦注并請

籌安

某某謹啟

聲明冒牌

某某先生閣下不奉

教言。忽逾半載。正欲作函通候。頃接

手書。並退還貨件。展誦之下。駭異莫名。小號自開設以來。

業經五十餘載。與

寶號頻年交往。未嘗稍失信用。非惟以名譽攸關。在營業

上之道德。亦應如是。今檢查

寄來各件其色紫形色與

敝號

之貨相似其裝潢更加

華麗而牌號上之字畫則魯魚帝虎

魯字與魚字帝字與虎字形似而實

不同比人之以假冒真也

茲將原來之件寄還一半另奉

敝號

真品

若干請兩相比試並察其牌號上之字跡當知此事之真相矣其退件之半敝號執以為起訴之證將與冒牌之人交涉恕不奉還專此聲復即頌

台安

某某謹啟

聲明兒子入學校費用充足無需外借

某某我哥如握不逢

舊雨容易秋風昨奉

鱗箋備聆

塵訓

注見前兒子在

貴校肄業諸承

照拂

並蒙

破格

惠假朱提

錢即銀

仰見

高誼隆情推愛及烏

前注見

不勝感戴惟

兒子

入校應繳各

費

弟於其赴校開學時業為之如數措齊俾其帶繳此

外更給以若干元以備平日零星私用在一學期以內

當不致於支絀

不足

詎伊不知儉約任情浪費又向

尊處挪借三十元之多而衣飾行囊並未見有所添置其

去路非正當可想而知縱不追其既往然不能不警於

將來嗣後如故態復萌再行推借務乞立予拒絕還希

於課暇嚴加約束經師人師

漢紀郭泰曰經師易得人師難求

惟我

哥是賴負款奉趙並希

檢納特此聲復敬頌

箸祺

弟某某謹啟

懇求類

懇薦職務

求人調息爭端

懇求公親調息家難

謀帳缺求人推薦

懇求照拂

請人介紹

懇代售物

求人幫助川資

懇求類

懇薦職務

某某科長先生閣下計別

芝標

注見前

頻更節序緬懷

槩範

注見前

不罄依馳比維

文祉增綏

履端納祐翹瞻

駿采忭頌莫名

舍甥

某以某某學校停辦遂致賦閒

注見前

忽忽一載前已面承

允薦近聞某某廳長辭職斯缺係令親某公補授三科科

長一席虛懸尚待物色

注見前

果得

九鼎

平原君謂毛遂曰先生一至楚而使趙重於九鼎大呂

之言定卜一枝

莊子鷦鷯巢林

不過一枚可寄舍甥才優而行謹諒不致貽薦者羞

推輓

左傳或推之或輓之注後送曰推前牽曰輓

之恩匪惟身受者感戴弗置

已也肅此佈懇敬請

箸安維祈

朗鑒不戢

盡也

弟某某謹啟

求人調息爭端

某某先生大鑒久別

芝顏想

丰采精神無不如昔望風遙祝定遂私衷敬瀆者小號與

某君糾葛一節據同業公評事關小號營業前程乃必

爭之點起訴將成事實第轉念世事終有結局無論是

非曲直一經官廳裁判縱占優勝地位而損失已多且

益增惡感。是以情甘讓步。希望和平。據伊執迷不悟。以

小號示弱。益逞其無厭之要求。伏懇

先生齒德皆尊。宅心慈善。寧人息事。尤所樂為。務祈

鼎力調停。化彼梗頑性質。魯連一出。大難即平。魯仲連齊

原君欲封之。不受。以千金為壽。連笑曰。所貴為天下士者。為人排患難。解紛亂。而無取也。

先生乃今日之魯連也。有瀆

清神容。當泥首肅此佈懇。祇請

鈞安。惟

福百益

某某謹啟

懇求公親調息家難

姑丈大人安稟久違

慈霽系念殊深。敬維